

INVESTIGATIO TRIANGVLI
IN QVO DISTANTIAE ANGVLORVM
AB EIVS CENTRO GRAVITATIS
RATIONALITER EXPRIMANTVR.

Auctore

L. EVLERO.

Conventui exhib. die 17 Dec. 1778.

§. 1.

Cum centrum gravitatis trianguli reperiat in intersec-
tione ternarum reclarum AF , BG et CH , quae ex sin-
gulis angulis ductae latera opposita bifecant; illud erit in
pundo O , ubi illae tres reclarae ita se fecant, ut fit $AO = \frac{2}{3}AF$,
 $BO = \frac{2}{3}BG$ et $CO = \frac{2}{3}CH$. Quoniam igitur requiritur
ut distantiae AO , BO et CO rationaliter exprimantur;
hoc eveniet, si totae reclarae AF , BG et CH fuerint ratio-
nales, siquidem latera trianguli per numeros rationales re-
praesententur.

Tab. I.
Fig. 8.

§. 2. Ponamus igitur $BF = CF = a$; $CG = AG = b$;
 $AH = BH = c$; praeterea vero vocemus $AF = f$; $BG = g$
et $CH = h$, ac perpendamus quomodo istae tres lineae

f, g, h per illas a, b, c exprimantur. Hunc in finem vocemus angulum $A F B = \omega$, et ex triangulo $A B F$ habebimus hanc aequalitatem

$$A B^2 = A F^2 + B F^2 - 2 A F \cdot B F \cos. \omega,$$

at ex triangulo $A C F$ habebimus

$$A C^2 = A F^2 + C F^2 + 2 A F \cdot C F \cos. \omega,$$

quae duae aequalitates additae praebent

$$A B^2 + A C^2 = 2 A F^2 + 2 B F^2$$

five $4 c c + 4 b b = 2 f f + 2 a a$, unde colligitur $f f = 2 c c + 2 b b - a a$. Simili modo erit

$$g g = 2 a a + 2 c c - b b \text{ et } h h = 2 a a + 2 b b - c c,$$

quocirca pro litteris a, b, c , eiusmodi numeros quaeri oportet, ut istae tres formulae reddantur numeri quadrati.

§. 3. Antequam hanc investigationem suscipiamus, consideremus casum maxime memorabilem, quo $b b + c c = 2 a a$; tum enim erit $f f = 3 a a$, five $f = a \sqrt{3}$, tum vero $g g = 3 c c$, five $g = c \sqrt{3}$; et $h h = 3 b b$, five $h = b \sqrt{3}$, quae est insignis proprietas huiusmodi triangulorum, in quibus $2 a a = b b + c c$.

§. 4. Praeterea in genere observemus esse

$$f f + g g + h h = 3 (a a + b b + c c).$$

Cum igitur sit $A O = \frac{2}{3} f$, multiplicando per $\frac{4}{9}$ erit

$$A O^2 + B O^2 + C O^2 = \frac{4}{9} (a a + b b + c c),$$

sicque patet semper esse

$$A O^2 + B O^2 + C O^2 = \frac{1}{3} (B C^2 + A C^2 + A B^2),$$

quae proprietas est etiam maxime notatu digna.

§. 5.

§. 5. Videamus nunc quemadmodum formulae inventae ad quadrata revocari queant, ac si incipiamus a prima $ff = 2cc + 2bb - aa$, non tam facile patet, quomodo quadratum obtineri queat; at si sub hac specie repraesentetur: $ff = (b+c)^2 + (b-c)^2 - aa$, tum secundum praecepta Analyseos statui poterit $f = b+c + \frac{p}{q}(b-c+a)$, qua substitutione facta habebimus

$$\begin{aligned} (b+c)^2 + \frac{2p}{q}(b+c)(b-c+a) + \frac{p^2}{q^2}(b-c+a)^2 \\ = (b+c)^2 + (b-c)^2 - aa \end{aligned}$$

vbi sublatis membris prioribus, posterioribus vero per factorem communem $b-c+a$ divisus orietur

$$\frac{2p}{q}(b+c) + \frac{p^2}{q^2}(b-c+a) = b-c-a,$$

unde commode definitur

$$a = \frac{(b-c)(qq - pp) - 2pq(b+c)}{pp + qq}.$$

Quodsi ergo litterae a iste valor tribuatur, littera quidem f rationaliter exprimetur: erit enim

$$f = \frac{(b+c)(qq - pp) + 2pq(b-c)}{pp + qq};$$

at si istum valorem ipsius a in binis reliquis formulis substituere vellemus, in calculos nimis complicatos, ac prope modum inextricabiles, delaberemur; quam ob rem alio modo solutionem tentare convenit.

§. 6. Iundim contemplemur binas posteriores conditiones, quae sunt

$gg = 2aa + 2cc - bb$ et $hh = 2aa + 2bb - cc$,
 quarum differentia dat $gg - hh = 3(cc - bb)$; unde cum omnia in numeris integris desiderentur, si $cc - bb$
 alios

alios factores non haberet, praeter $c + b$ et $c - b$, statui deberet $g + h = 3(c + b)$ et $g - h = c - b$, vel $g + h = c + b$ et $g - h = 3(c - b)$. Verum ex illa positione sequeretur $g = 2c + b$ et $h = c + 2b$; ex posteriore vero $g = 2c - b$ et $h = 2b - c$. Hae autem binae determinationes inter se conveniunt; nam quia in formulis principalibus tantum quadrata bb et cc occurrunt, perinde est, five litterae b et c positive five negative accipiantur.

§. 7. Quodsi vero loco $g = 2c + b$ hunc valorem substituamus, in aequatione $gg = 2aa + 2cc - bb$ praedit $2aa = 2bb + 2cc + 4bc$, five $aa = (b + c)^2$, ideoque $a = b + c$. Hoc ergo casu in triangulo proposito summa duorum laterum aequalis foret tertio latere, ideoque tria puncta A, B, C in rectam caderent, neque ergo amplius foret triangulum, sicque ista solutio penitus est reiicienda.

§. 8. Quoniam haec solutio inde est nata, quod posuimus formulam $cc - bb$ alios factores non admittere, praeter $c + b$ et $c - b$, necesse est vt ista formula insuper alios involvat factores. Ponamus igitur esse $cc - bb = p q r s$, fierique debet $gg - hh = 3 p q r s$, unde statuat $g + h = 3 p q$ et $g - h = r s$, unde fit $g = \frac{3 p q + r s}{2}$ et $h = \frac{3 p q - r s}{2}$; ex formula vero $cc - bb = p q r s$ sumamus $c + b = p r$ et $c - b = q s$. Hoc autem modo tantum differentiae binarum formularum satisfacimus $gg - hh$ et $cc - bb$, unde insuper aliae seorsim foret satisfaciendum, eodem autem redit, si insuper summae satisfiat. Cum igitur fit $gg + hh = 4aa - bb + cc$, substitutio valorum inventorum facillime efficitur: erit enim

$$2 g g + 2 h h = 9 p p q q + r r s s,$$

similique modo erit

$$2 c c + 2 b b = p p r r + q q s s,$$

unde aequatio conficienda fit

$$9 p p q q + r r s s = 8 a a + p p r r + q q s s,$$

ideoque fiet

$$8 a a = p p (9 q q - r r) + s s (r r - q q), \text{ ergo}$$

$$16 a a = 2 p p (9 q q - r r) + 2 s s (r r - q q),$$

quam ergo formulam ad quadratum reduci oportet; quod si fuerit praeslitum, duabus formulis posterioribus penitus erit satisfactum, sicque tantum supererit primae conditioni $ff = 2 c c + 2 b b - a a$ satisfieri.

§. 9. Cum igitur esse debeat $16 ff = 32 c c + 32 b b - 16 a a$, ob $2 c c + 2 b b = p p r r + q q s s$, nanciscemur hanc aequationem:

$$16 ff = 8 p p r r - 8 q q s s - p p (9 q q - r r) - s s (r r - q q),$$

five

$$16 ff = 9 p p (r r - q q) + s s (9 q q - r r),$$

hoc ergo modo insuper requiritur, ut sequentes duae formulae quadrata efficiantur, quae sunt

$$16 a a = 2 p p (9 q q - r r) + 2 s s (r r - q q) \text{ et}$$

$$16 ff = 18 p p (r r - q q) + 2 s s (9 q q - r r).$$

§. 10. Quo harum formularum resolutio facilior reddatur, ponamus $p = x + y$ et $s = x - y$, tum enim con-

ditiones implendae erunt:

$$I. 4aa = 4qq(xx + yy) + 2xy(5qq - rr) \text{ et}$$

$$II. 4ff = 4rr(xx + yy) + 2xy(5rr - 9qq).$$

§. 11. Quo has formulas tractabiliores reddamus, statuamus brevitatis gratia

$$\frac{5qq - rr}{4qq} = M \text{ et } \frac{5rr - 9qq}{4rr} = N,$$

ac binae aequationes tractandae erunt

$$\frac{aa}{qq} = xx + yy + 2Mxy \text{ et } \frac{ff}{rr} = xx + yy + 2Nxy.$$

Ecce ergo resolvendae adhuc supersunt duae formulae inter se simillimae et ita comparatae, ut utramque seorsim facillime resolvere liceat.

§. 12. Vtramque resolutionem simul suscipiamus, statuendo $\frac{a}{q} = x + ty$ et $\frac{f}{r} = x + uy$, hocque modo prodibunt sequentes formae:

$$2tx + tty = y + 2Mx \text{ et } 2ux + uuy = y + 2Nx,$$

unde duplici modo nanciscimur

$$\frac{x}{y} = \frac{1 - t}{2(t - M)} = \frac{1 - u}{2(u - N)}.$$

Hos ergo duos valores inter se congruentes reddi oportet quem in finem primo numeratores aequales statuatur, i quod duplici modo fieri potest, statuendo vel $u = t$, vel $u = -t$; priori autem casu denominatores aequales fieri nequunt, nisi fuerit $M = N$, id quod fieri nequit. Sumamus ergo $u = -t$, ac denominatorum aequalitas praebet $u = \frac{M - N}{2} = -t$, unde fit $\frac{x}{y} = \frac{M - N + 2}{4(M + N)}$, hocque modo iam omnibus conditio-

nib

nibus erit satisfactum. Interim tamen probe notari oportet, hanc solutionem tantum esse particularem, propterea quod binae fractionēs pro $\frac{x}{y}$ inventae infinitis aliis modis aequales fieri possent, etiam si neque numeratores, neque denominatores aequales statuatur. Quoniam autem alii modi ad calculos nimis perplexos perducerent, hac solutione eo magis poterimus esse contenti, quod nihilominus innumerabiles solutiones suppeditat.

§. 13. Solutio igitur problematis propositi ita se habebit. 1°. Binae litterae q et r penitus arbitrio nostro relinquuntur, quibus igitur pro lubitu sumtis erit

$$M = \frac{5qq - rr}{4qq} \text{ et } N = \frac{5rr - 9qq}{4rr}.$$

2°. His litteris inventis capiantur $x = (M - N)^2 - 4$ et $y = 4(M + N)$, five postquam fractio $\frac{(M - N)^2 - 4}{4(M + N)}$ ad minimos terminos fuerit reducta, numerator pro x , denominator vero pro y accipiat. 3°. Deinde vero erit

$$\frac{a}{q} = x + ty = \frac{2x + (M - N)y}{2},$$

ideoque $a = qx + \frac{1}{2}(M - N)qy$, similique modo erit

$$\frac{f}{r} = x - ty = x - \frac{(M - N)y}{2},$$

ideoque $f = rx - \frac{1}{2}(M - N)ry$. 4°. Cum sit $p = x + y$ et $s = x - y$, habebitur $b + c = pr$ et $c - b = qs$, ideoque

$$c = \frac{pr + qs}{2} \text{ et } b = \frac{pr - qs}{2},$$

ficque omnia tria latera trianguli erunt definita, quippe quae erunt

$$2a = 2qr + (M - N)qy;$$

$$2b = pr - qs \text{ et } 2c = pr + qs.$$

5°. Denique vero ob $g + h = 3pq$ et $g - h = rs$, erit

$$g = \frac{3pq + rs}{2} \text{ et } h = \frac{3pq - rs}{2}.$$

§. 14. Iam inuimus biras litteras q et r , seu potius earum relationem, arbitrio nostro esse relictam; ubi primum observandum occurrit, si sumeretur $q = r$, ob $M = 1$ et $N = -1$ fieri $M + N = 0$, ideoque et $y = 0$, unde nulla solutio idonea nascitur. Idem incommodum oritur, si fuerit $r = 3q$, siquidem inde fit $M = -1$ et $N = 1$, ideoque iterum $M + N = 0$. Hanc ob rem ut casum definitum evoluerimus, eumque simplicissimum, sumamus $q = 2$ et $r = 1$, unde fit $M = \frac{19}{16}$ et $N = -\frac{31}{4}$. Sin autem sumeremus $q = 1$ et $r = 2$, tum fieret $M = \frac{1}{4}$ et $N = \frac{11}{16}$, quae posterior solutio cum sit simplicior, hunc casum data opera evoluerimus.

Evolutio casus

quo $q = 1$ et $r = 2$.

§. 15. Hoc ergo casu erit $M = \frac{1}{4} = \frac{4}{16}$ et $N = \frac{11}{16}$, ideoque $M + N = \frac{15}{16}$ et $M - N = -\frac{7}{16}$, unde fit $\frac{x}{y} = -\frac{63}{64}$, quocirca sumamus $x = -63$ et $y = 64$. Hinc erit porro $a = -79$ et $f = -102$, sive $a = 79$ et $f = 102$. Deinde autem erit $p = -1$ et $s = -129$, unde colligitur $c + b = -2$ et $c - b = -129$, ideoque $c = -\frac{131}{2}$ et $b = \frac{127}{2}$. Denique $g + h = -3$ et $g - h = -258$, ideoque $g = -\frac{261}{2}$ et $h = +\frac{255}{2}$.

§. 16. Solutio ergo huius casus ita se habebit, postquam ubique per 2 fuerit multiplicatum: $a = 158$; $b = 127$; $c = 131$; $f = 204$; $g = 261$ et $h = 255$. Vbi plurimum observasse iuvabit, hinc adeo aliam solutionem in minoribus numeris derivari posse; nam quia numeri f , g et h per

dividi possunt, eorum trientes loco litterarum a , b et c accipi poterunt, tum autem praecedentes litterae a , b , c dabunt valores pro f , g et h , ita ut hoc observato nanciscamur istam solutionem simpliciore:

$$a = 68; b = 87; c = 85;$$

$$f = 158; g = 127; h = 131;$$

id quod sequenti modo ostendi potest.

§. 17. Cum spectatis litteris a , b et c tanquam datis alterae f , g et h ita determinari sunt inventae, ut esset

$$f = \sqrt{(2bb + 2cc - aa)};$$

$$g = \sqrt{(2aa + 2cc - bb)};$$

$$h = \sqrt{(2aa + 2bb - cc)};$$

hinc sequitur fore

$$ff + gg + hh = 3aa + 3bb + 3cc, \text{ hincque}$$

$$2ff + 2gg + 2hh = 6aa + 6bb + 6cc.$$

Subtrahatur primo $3ff = 6bb + 6cc - 3aa$, ac prodibit

$$2gg + 2hh - ff = 9aa,$$

ita ut fit

$$3a = \sqrt{(2gg + 2hh - ff)}.$$

Eodemque modo reperietur

$$3b = \sqrt{(2hh + 2ff - gg)} \text{ et}$$

$$3c = \sqrt{(2gg + 2ff - hh)}.$$

§. 18. Quoniam igitur litterae $3a$, $3b$ et $3c$ eodem modo per f , g et h determinantur, quo ante invenimus litteras f , g et h per a , b et c determinari, consideremus aliud triangulum, ad quod referantur, simili modo gemini

lit.

litterarum ordines a' , b' et c' atque f' , g' et h' , ac si fuerit $a' = f$; $b' = g$ et $c' = h$, erit

$$f' = \sqrt{(2b'b' + 2c'c' - a'a')} =$$

$$\sqrt{(2gg + 2hh - ff)} = 3a, \text{ ideoque } f' = 3a.$$

Eodemque modo prodibit $g' = 3b$ et $h' = 3c$, sicque ex triangulo, ad quod referuntur litterae a , b , c et f , g , h , semper aliud triangulum derivari potest, cui respondeant litterae a' , b' , c' et f' , g' , h' , si capiatur $a' = f$; $b' = g$ et $c' = h$ tum erit $f' = 3a$; $g' = 3b$ et $h' = 3c$; quod est theorema maxime notatu dignum.

§. 19. Hinc igitur patet, si ex triangulo ante invento aliud formetur, in quo fit $a' = \frac{1}{3}f$; $b' = \frac{1}{3}g$ et $c' = \frac{1}{3}h$; tum fore $f' = a$; $g' = b$ et $h' = c$; unde prodit alterum triangulum supra exhibitum, quod pro simplicissima solutione nostri problematis merito haberi potest. Ante autem quam alia exempla percurramus, plurimum iuvabit, solutionem generalem accuratius evolvere et ad calculum accommodare.

Accuratior evolutio solutionis generalis.

§. 20. In solutione brevitatis gratia posuimus

$$M = \frac{5gg - rr}{4gg} \text{ et } N = \frac{5rr - 9gg}{4rr},$$

postquam posuiffemus $g + h = 3pq$ et $g - h = rs$, tum vero $c + b = pr$ et $c - b = qs$, unde invenimus

$$\frac{x}{y} = \frac{(M - N)^2 - 4}{4(M + N)},$$

$$\frac{a}{q} = x + \frac{1}{2}(M - N)y \text{ et}$$

$$\frac{f}{r} = x - \frac{1}{2}(M - N)y,$$

qui-

quibus valoribus inventis reliquae litterae omnes determinantur. Nunc primo loco M et N valores assumptos substituiamus, atque impetrabimus:

$$1^{\circ}. M - N = \frac{9q^4 - r^4}{4qqrr} = \frac{(3qq + rr)(3qq - rr)}{4qqrr}$$

deinde vero erit

$$2^{\circ}. M + N = \frac{10qqrr - r^4 - 9q^4}{4qqrr} = \frac{(9qq - rr)(rr - qq)}{4qqrr}$$

Iam pro fractionis $\frac{x}{y}$ numeratore $(M - N)^2 - 4$ habebimus eius factores

$$M - N + 2 = \frac{qq^4 - r^4 + 8qqrr}{4qqrr} = \frac{(9qq - rr)(rr + qq)}{4qqrr} \text{ et}$$

$$M - N - 2 = \frac{9q^4 - r^4 - 8qqrr}{4qqrr} = \frac{(9qq + rr)(rr - qq)}{4qqrr}$$

unde totus numerator erit.

$$(M - N)^2 - 4 = \frac{(qq + rr)(qq - rr)(9qq + rr)(9qq - rr)}{16q^4r^4}$$

at vero denominator est

$$4(M + N) = \frac{10qqrr - r^4 - 9q^4}{qqrr} = \frac{(9qq - rr)(rr - qq)}{qqrr}$$

quibus inventis erit

$$\frac{x}{y} = \frac{(qq + rr)(9qq + rr)}{16qqrr}$$

§. 21. Quia haec fractio ulteriorem reductionem in genere non admittit, sumamus.

$$x = (qq + rr)(9qq + rr) \text{ et } y = -16qqrr,$$

hinc iam pono ob. $\frac{1}{2}(M - N) = \frac{(3qq + rr)(3qq - rr)}{8qqrr}$ repemur

$$\frac{a}{q} = 27q^4 + 10qqrr - r^4 = (qq + rr)(9qq + rr) - 2(3qq + rr)(3qq - rr)$$

$$\frac{f}{r} = -9q^4 + 10qqrr + 3r^4 = (qq + rr)(9qq + rr) + 2(3qq + rr)(3qq - rr)$$

qui-

quibus valoribus inventis ob

$$p = x + y = (qq + rr)(9qq + rr) - 16qqr$$

$$= 9q^4 - 6qqr + r^4 \text{ et}$$

$$s = x - y = (qq + rr)(9qq + rr) + 16qqr$$

$$= 9q^4 + 26qqr + r^4.$$

prodit $c + b = pr$; $c - b = qs$; $g + h = 3pq$ et $g - h = rs$.

Ex litteris ergo q et r pro lubitu assumtis omnes sex valores a , b , c et f , g , h facile eliciuntur.

Exemplum I.

quo $q = 1$ et $r = 3$.

§. 22. Quia iam supra observavimus sumendo $q = r$ nullum reperiri triangulum, sed bina latera tertio esse aequalia, sumamus $q = 1$ et $r = 3$ prodibitque $a = 324$ et $f = 108$. Porro erit $p = 36$ et $s = 324$, hincque porro erit $c = 216$ et $b = 108$. Deinde $g = 540$ et $h = 432$, qui valores ergo sunt: $a = 324$; $b = 108$; $c = 216$; $f = 108$; $g = 540$ et $h = 432$; qui per 108 depreffi abeunt in hos valores; $a = 3$; $b = 1$; $c = 2$; $f = 1$; $g = 5$ et $h = 4$; quae solutio pariter locum habere nequit, quia duo latera tertio reperiuntur aequalia.

Exemplum II.

quo $q = 2$ et $r = 1$.

§. 23. Hic igitur erit $qq + rr = 5$ et $9qq + rr = 37$, unde colligitur $a = 202$ et $f = 471$. Deinde fit $p = 121$ et $s = 249$, hinc porro $c = \frac{619}{2}$ et $b = \frac{377}{2}$. Denique $g = \frac{975}{2}$ et $h = \frac{477}{2}$. His igitur valoribus duplicatis habebimus $a = 404$; $b = 377$; $c = 619$; $f = 942$; $g = 975$ et $h = 477$.

Exem-

Exemplum III.

quo $q = 2$ et $r = 3$.

§. 24. Hic ergo erit $qq + rr = 13$ et $9qq + rr = 45$;
unde colligitur $\frac{a}{3} = 459$ et $\frac{f}{3} = 711$; porro vero $p = 9$ et $s = 1161$.
Ex his fit $c = \frac{2319}{2}$ et $b = + \frac{2295}{2}$; denique $g = \frac{3537}{2}$ et $h = \frac{3429}{2}$.

§. 25. Hi ergo valores duplicati et per communem factorem 9 divisi praebent hanc solutionem: $a = 204$; $b = 255$ et $c = 261$; $f = 474$; $g = 393$ et $h = 381$; ubi cum numeri f , g , h divisibiles sint per 3, per theorema supra allatum oriatur sequens nova solutio: $a = 68$; $b = 85$; $c = 87$; $f = 158$; $g = 131$ et $h = 127$. Haec ergo solutio idem praebet triangulum, quod ex primo casu, quo $q = 1$ et $r = 2$, demum ope theorematismis fumus nati.

Exemplum IV.

quo $q = 3$ et $r = 5$.

§. 26. Hic ergo erit $qq + rr = 34$ et $9qq + rr = 106$,
unde fit $\frac{a}{3} = 34 \cdot 106 - 4 \cdot 5^2 = 3396$ et $\frac{f}{5} = 3812$; porro
 $p = 4$ et $s = 7404$, hinc $c = 10816$ et $b = 10796$; deinde
 $2g = 18028$ et $2h = 17992$.

§. 27. Triangulum igitur hoc exemplo inventum, quoniam singuli valores factorem habent 4, sequentibus numeris continetur: $a = 2547$; $b = 2699$; $c = 2704$; $f = 4765$; $g = 4507$ et $h = 4498$. Hinc iam satis liquet, quomodo quotcunque huiusmodi triangula exhiberi queant, quibus conditiones praescriptae adimpleantur.